

大清光緒十四年

本館新聞除禮拜外日出一
紙諸君賜閱本報者無論
本埠外埠均可函致本館取
閱如外埠閱報加寄費可
也除日報照常刊送外復不
惜工本從英國採辦釘書機
紙各機器以待與各官商
刊印書籍單件並有英國各
體活字及各式花邊等延有
西人印工藝甚精所有中
西文字均能刊印並有石板
印字大小機器均用精工

第一千八百七十六號

申報

本館開設在舊巴武口門牌第十四號

印工雖難倫諸君有文士
寫各體文字現由上海購到
各種新式活字其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬
成文以及支離費解者概不
登報嗣後諸君來札尚祈
自諒更須寫實附里而後敢
登但來稿登與不登均不能
將原稿收回也 本館謹白

戊子正月十八日

凡刊印各報月價一元每日報費五仙 大英一千八百八十八年二月十九號禮拜三 每字一仙二日以下每字半仙

精緻華英月份牌出售 ○啟者戊子歲之月份牌現經印就即在本館發售其書畫之工
墨之美而且較對無誤刻印玲瓏蓋是歲本館再為加工精心構撰故款式甚多無論白紙蠟紙色紙與夫
描金繪色無不備有以憑 諸君選擇且價甚相宜 諸君光顧者請早 惠臨選購為盼 本館謹白

本館遷移告白 ○啟者本館向開設在源順街第廿五號門牌茲以舊店未盡合宜爰於去臘底
遷至舊巴武口萬興土庫對面第廿四號門牌仍照常派送新聞行傳船期並代 諸君刊印中西各式單
件價廉工美且無延誤 諸君光顧請移 玉惠臨是荷 本館謹白

再書歐洲盟約電音後

前論有言今日歐洲盟約之事為常中之變局不過據其事以言之究未及其何以為常何以為變又何以
為常中之變也茲更援此意以足之曰今天下各國林立強大者有之弱小者亦有之其所以能互輯邦交
大國無吞嚙之心小國無干戈之警者無他亦惟有公法以維持之各相遵守無敢或渝以背一大同之治
耳公法者所以維繫萬國者也國無大小兵無強弱均當遵守其有不守此法者則列國得而詰問之是則
公法實為常中之常倘各國皆能終始奉之亦何有於爭戰不意時局至今已一變矣在各大國雖無顯然
爭戰之矣則似為常然各懷機謀籌兵籌餉晝夜不遑得非常中之變乎更觀各國之密約重橫得非所以
駕馭常中之變者乎公法有言倘有爭戰之端惟一國與一國相持此外各國惟守傍觀觀其息兵不能
助其爭戰也不但不能助其爭戰而且軍糧器械煤斤等物亦不能相助此固理所應然之事故稱公法歐
洲各國向來守此甚嚴乃不意近年來則大有不然而竟有會盟之事者夫會盟之事本非盛世所宜觀於
三代全盛之時安有會盟之舉迨夫周道衰微諸侯紛起圖強爭霸遍地干戈此中分合之機紛紛不一由
是而會盟之事遂起既有盟約而兵燹更由此而多蓋無盟則勢孤勢孤則不敢動輒恃其兵力既立盟約
則援應有人安得而不起爭端是以戰國之秋無日不聞兵事噫如今日之時局是矣泰西各國向未聞有
盟約之名各君其國各長其民風氣良佳萬不意近來竟一變而有會盟之舉爰溯盟約之緣起則實始於
德蓋德自勝法以來恐法復仇因擬聯數大國以為手足時俄慕德之強盛因遣使請與德盟德竟拒之而
改盟意與俄以是遂深怨德而法乘俄之怒遂請與俄盟俄方怨德甚深而德之仇一旦請盟故即欣然納
之至是而歐洲始有盟約時德奧意為一黨俄法為一黨而歐洲時局遂已潛分不數年而德俄奧三國又
復聯盟而其所由聯盟之心在德則欲奪法之奧則欲借俄之力而法則欲借英之力而英則欲借俄之力而
免代為之危英時環顧羣邦多非心腹不得已而與土耳其盟冀阻俄人西顧之師當時歐洲大局已合而
分分而合大有變矣然之勢乃猶幸德奧之盟不能持久未幾而俄君爽約不來矣又未幾而奧君復爽
約不到矣然則奧俄之盟已伏隱嫌而德俄奧之交於此遂不無稍間既而奧國王子花里蘭入主馬社而
俄奧遂明起猜嫌俄受俄君德奧離間之書而俄德亦明起猜嫌卒之德俄奧三國不能久交蓋其氣味之
不同所致時英觀斯情景乃乘其有離之際遂與奧意兩國盟並且約其倘他國有攻意奧之海疆則其必
出師船相助夫英區海軍固為羣邦之冠意奧得其相助則感激何可勝言由是而英德奧意四國聯為一
體之交俄法雖強亦必不敢輕於一舉是亦駕馭常中變局之良策雖然亦不可以為法也夫連盟之事非
不能保守太平然惟可守諸一時斷難行諸久遠蓋古今來斷無百年不敗之盟約設一旦盟寒約取而敵
國遂起而窺伺其將奈之何哉即觀近日歐洲聯盟之端不滿十年此中合而分分而合者已經數次然則
聯亦奚貴耶雖然今日歐洲列邦惟俄法之志為最貪而邦交亦惟俄法兩邦為最密俄法一合則歐洲從
此多事矣然則欲求免禍非亦聯盟約不能故今日各大國之盟亦有不得不然之勢也亦奚怪乎哉

諭旨恭錄 ○十二月十八日奉 上諭本年河南鄭州决口黃溜入淮安徽濱淮各州縣被水
災業經降旨加恩截留海運漕糧俾資賑濟並准陳彝所請分別豁免錢漕藉紓民力災黎諒可不至失所
第念皖北被災各屬農田積水未消尚難播種來春青黃不接為日方長飢民嗷嗷待哺何以為生深宜
念艱饑難安允宜特發帑金以資接濟着再加恩於該省節年漕折項下撥銀五萬兩蘇湖關常稅項下撥

等情先後諭令張曜確查覆奏茲據奉稱保大輪船失事後沿海居民乘危擄掠該縣知縣李文炳前往勘驗飭武舉于廷誥帶同鄉壓村民職
故將于廷誥嚴懲並傷鄉勇通令李文炳出具印結息事經道員感宣懷提督孫金彪帶營督辦該村民仍交犯繳贖由持日始飭該縣
帶同勇役進大西莊等三村搜獲將滋事首從人犯帶回研訊分別取保解省審辦並無槍炮轟攻騷擾斃命情各等語此案提督孫金彪道
員盛宣懷被參縱勇擾民各節既據查明並無其事承審各員亦無妄拿擄掠等情即着毋庸置議榮城知縣李文炳於村民聚眾時未能詳
晰開導輒行給予息事印結實屬庸懦無能着即行革職武舉于廷誥雖無聚眾害民情事惟平日聲名甚劣着即行斥革以示懲儆着照所
議辦理該部知道欽此

俄事電音 ○十三日英京發來電報云俄國官報有言俄廷現已請於各國辦理馬邦之事必須遵照百靈之約而行更謂土耳其朝
廷微示馬民謂花里蘭不主馬之社惟俄國馬邦之事則斷不至動十戈也其言若此而德俄北日耳曼日報論謂俄國倘能如是則德
國不但可從其議并且宜力贊其成即在土廷諒亦必能從俄所請也而英相西釐君亦有言謂倘各大國因馬邦之事不能成議致出於戰則
歐洲必為外人所笑因其事甚小不難以談笑了之乃竟率動各大國之干戈不將為外人所笑乎電文如此爰譯登之

德京電音 ○十三日德國都城發來電報云德太子之病前雖危篤現幸略有轉機大抵可望復痊不至若前之甚矣按太子所患之
症係屬喉癰前經英德兩國太醫會同商治乃屢愈屢發近且兼患頭痛以故勢甚纏綿今幸少痊則德國君臣不知如何交慰也

肉慾失收 ○荷意有三種一曰白荷意即今人所稱波意者一曰草荷意即方書所言草果者一曰肉荷意此物為天南所產土人呼
為格孝者此物消流甚廣不惟可供藥品并可以之作烹調以之釀酒醴故歲中消路甚饒而所產肉慾之最豐者惟爪亞之蠻刺地方該處所
產之豐較諸南洋各埠有十之九五蓋其地一望無涯皆栽肉慾而向歸荷官管理約定價值無論各園所產均須歸於荷官而後由荷官轉販
他方乃不意是歲入春以來該處屢遇颶風而肉慾方結子纍纍猶未至於成熟乃為風所擊零落甚繁觀此荷形本年肉慾必至失收而時價
必因之騰貴矣

叻效劫案 ○本坡沸亂事定後諸頑民無從選事因紛紛竄至叻郊肆其滋擾本報前已言之刻前十四早四點鐘時距坡七英里
之寶籠岡某磚窰竟為盜劫其窰屋亦為匪徒所壞該工頭因拒盜以至頭顱被傷聞此事業已報案經總差祿君親往踏勘現尚未悉能否
捕獲匪徒也

又廢會黨 ○本坡各會黨近年來多為有司所廢如潮郡義興義信廣德堂等東館等均已先後廢去茲聞憲報有謂現在海南之義
興公司亦為國家所廢等因至其被廢之由憲報未有明文然以意測之諒亦不外因海南諸人抗不報冊之事所由起也然則民與官抗亦何
益哉

匪徒繫獄 ○昨錄牛車水匪徒成羣聚眾騷擾於十一十二等夜將各娼樓懸掛招牌橫行奪去蓋欲為藉端勒索以相魚肉時適為
巡差察覺執獲八人逮於案中十四日業經府太守提訊分別懲治判罰每人鞭責三十前禁六個月以蔽厥辜聞人中有隸海南籍者一人
有隸粵籍者一人有隸客籍者二人其餘四人則皆閩籍云

誤墜於井 ○粵人張某向寓於牙籠地方生有子女各一女年已及笄而子尚在髮齡爛熳天眞嬉戲無狀於十三日張適外出其子
燃燒小炮嬉娛自樂其女恐有他虞因為禁之不謂童子無知施放依然其女急欲奪之詎意倉皇失足竟墜井中水深滅頂命在垂危幸張適
歸急為援手而性命始全抑亦幸矣

畏賈私逃 ○粵人某甲不知所犯何案於十四日為四百八十號之警差解遠公庭以憑核辦詎意未及訊鞠之餘該差飭甲立傍
候質不謂該差疎防偶失甲遂乘間遁逸迨至傳訊該差四行緝緝不見甲踪尚不知作何辦理也噫虎兕出押其亦該差之咎也歟


驗屍飭埋 ○十一日有吉寧人名那刺者不知所染何病竟偃睡於小坡魯巷巷邦壤地方適為巡差察覺因并至施排埔國家醫院
求治詎知病入膏肓藥難起死迨至十二日二點鐘時已登鬼錄該院公差即為報案請驗十四日經驗屍官馬君暨同陪驗諸員赴驗據謂該
屍委係緣病致斃前無別情因照例填格存查飭屍棺殮將案註銷

嚴懲兇犯 ○潮人蔡亞怡前以刺及護憲畢公獲案經臬憲定讞判罰監禁七年以蔽厥罪不謂悍惡性成雖繫獄中猶不知稍自
斂抑以故日對楚囚莫不受其氣壓於十三日不知所緣何故竟將司獄之人狂加毆擊司獄忽放後執情控諸案中十五日經府憲提訊以惜
枯惡不悛實屬兇頑已甚遂判罰鞭責三十復困於幽牢拾三日而除七年坐獄之外再增罰監禁三個月以示重懲

溺舟幸全 ○潮人張某劫盜之徒也聞於前數日在廖內地方盜有小舟一艘意欲駛回本坡始行發售詎知駕至勿臘海面不知所
緣何故該舟突然劈破澤國茫茫人舟俱沒幸有漁父鼓棹過前即為拯救庶不至從二閻大夫而去噫以張之所行不義獲出生天豈非罔之
生也幸而免哉

機

爐




啟者本公司製造設開各埠坡南港等處地方交易多年專造一切靈巧機器火油火端火大藝之器具及大小輪船汽機鍋爐並各種新式鋼鐵器皿一應俱全無不堅固耐用便合用處六甲地方本公司開設有分廠並

代中西士商修整各種損壞機器工價格外公道如有貴客賜顧者請至本廠面議特此佈聞 西一千八百八十一年十一月廿六號 賴來安公司啟

美國峇打沙厘號新欸時鏢出售

敬啟者茲本行由歐洲辦到峇打沙厘號之新式奇巧時表來助發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行晷度累黍無差且閱一月之久而亦不舛分秒之時一利也且其鏢之行不惟甚準並堪令人憑信不致觸目生猜二利也又其鏢機輪甚佳且殊堅固最堪耐久即便平湮代遠亦無廢壞之處三利也至其鏢製甚精不惟適用而且美觀令人見之愛不釋手四利也矧其價甚廉較之他表須二元始能脩飾者而此表則不滿僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打沙厘號製有表鍊甚多各欸俱備且其欸最新其工最巧較諸近來行用者又勝一籌矧其價復甚廉鍊價僅由六角至二元至其表鍊黃者如金白者如銀令人觀之無從辨其真偽倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街匯豐銀行之鄰 諸君庶臨疑移 玉趾至於本坡則惟本行代理並無別家前此佈聞 諸惟惠鑒 大英一千八百八十七年六月十五號 大清光緒十三年閏四月二十四日 莫實得洋行謹啟

蜜酒出賣



啟者茲本行由歐洲辦到上等密酒來助發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為究辦此酒不能販往加勝吧 三寶 泗里末 望加錫 檳榔嶼 日神等處其餘各埠均能運往並此佈聞 一千八百八十六年十一月十日 明也洋行謹啟



中外眾國保險有限公司

啟者本公司總局設在香港多年信有資本銀二百萬元已先收股份人來銀六十萬元現存銀六十萬元在係本行代理承保各商貨物船隻運輪航來往各埠其保費極廉照例所有花紅之利俟結賬之後按股分派前一千八百七十八年一千八百八十年每股得利息銀計五元八仙又一千八百八十年至一千八百八十二年每股得利息銀計一十八仙諸君欲購者請至本行詢問可也 大清光緒九年 月 日 英一千八百八十三年八月廿七號 電報德公司謹啟

啟者現本局新由上海寄到活字印板石印各書甚多約計百餘種茲以尊欲購者請至本行選購其書目太繁不能盡錄可也 莫實得洋行謹啟

西國首飾雜貨出售 ○啟者本雜貨公司原設於麻六甲街第七號門牌現遷至土庫花園邊四十三號門牌與大藥房為鄰專辦歐洲各上等首飾雜貨來叻發售所有戒指相盒鎖扣鈕釦等項甚多所有貴重合用之物無不齊備不能備述以此各貨均屬寶貴之品計值約五萬元并有金銀及銀鍍金時表各式共約一千多個無不應時報刻累黍無差各物均由歐洲各工所製美善異常現新到叻中存於本店諸君有託往歐洲採辦物件亦無不可且價甚相宜貨能速到沿途照料亦甚子細可無破損之虞現在此貨不過略舉些小以 其 俾 倘諸君觀之可以指名代辦非但藉此營生以圖厚利己也 諸君有欲購者請即 玉臨選購是荷
大英一千八百八十七年十一月八號 馮鄰謹啟

線

啟者本行專辦英國寶拿士布碌機房各色上等棉線輾發客此線輾與線球不同線身光滑滑於縫衣脚車手車皆為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此東來俾得利便中華之用 諸君用始知余語之非虛 貴客光顧請認羊頭號標牌為記




售

庶免有誤 大英一千八百八十七年十一月三十號 香港希士洋行 新嘉坡代人明馬也公司謹啟

酒 品 賣 出

啟者本行督辦歐洲馳名三品洋酒來叻發售其酒係由歐洲式發售有年沽飲 諸君莫不稱其香美奈近有冒名之徒假冒本庄三品酒款式以圖魚目混珠殊深可恨嗣後 諸君買本行 Charles Heidsieck 牌之酒者請細認本號招牌之內有小紙包頭註明字號若此字樣即係偽冒請為細認特此佈 聞
大英一千八百八十五年十二月十九號 大清光緒十一年 月 日 明馬也公司 啟

活侯亞士堅公司告白



啟者本公司向來開設本坡久為中西 商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司新學之誠製造之美以及貨物之多盡舉以告海內 諸商翁知悉該公司向來開設英京歷久無異素為英國人所賞識不特為英國人所賞識又為鄰國人所賞識本行所為該國人所賞識且為天下各國人所賞識蓋因該公司立心持平不造虛善物料既美製作精細所以能遠近馳譽於本國鄰國及天下各國者皆為此也現計該公司所製造之機器甚多筆墨難以盡述更僕不可勝數現親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山即不可枚舉茲特將其中件數開列於後以備諸商翁青電 擇其要而通行者略舉數端以為 諸君採擇焉如木厚木帶等其價較別家稍為相宜貨而亦視別家為特妙請 諸君移至本公司一觀真有所聞未盡所見之憾不啻遊山陰中道令人接應不暇矣至於本公司又有製造做大營之機器以及水車等各樣機器亦是名目太多不能盡列謹此奉告倘新實然賜顧為慰現本廠已遷至工部局貨倉左鄰近復分枝一廠在吉隆坡仙西師爺宮後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷
大英一千八百八十七年十一月九號 活侯亞士堅公司謹啟

精脩機器 ○啟者本行承接修理及製各種機器及輪船一切機器諸如碩俄火確羔不火鋸諸機器不能備錄并有花鐵欄杆等物出售并能代脩代製均精工妙製保能歷久不磨而且價甚相宜諸君有欲 賜顧者請即移玉趾公認六甲本廠內相商不勝幸甚特此佈
大英一千八百八十七年十二月三十一號 聞好頭機器廠謹啟

餉碼招商告示 ○實勝越等處地方參政使司 為招商承餉事照得本國家所設之烟酒賭碼於西一千八百八十八年六月三十號即華戊子年五月十一日即已到期照例先期招商承充本屆餉碼係於是年西七月一號起承辦以三年為期計開碼係由丹戎勝卓地方起計三百七十餘英里而峇南亦在其內 賭碼係由丹戎勝卓起計而沙耶港亦在其內 酒碼亦由丹戎勝卓起計而沙耶港亦在其內 以上各碼如入票承充者須用英字封固於西一千八百八十八年四月十六號即華戊子年三月初六日上午九點鐘以前寄交本參政司署以憑彙取至於各票須書明碼願繳餉若干酒碼繳餉若干賭碼繳餉若干再結總共銀若干以憑國家彙取不得執價高者得之例投標者須有保結之人並照實勝越國家所立之約而行不得違背此示知如有欲悉其詳者可至本參政司署或在新嘉坡本國家代理人然中洋行詢問即可各宜踴躍投票幸無觀望特示
大英一千八百八十七年十二月三十一號 示

捐款列登

豫省水災前蒙陳君金鏡在叻題緣捐助其函啟等件去歲經刊本報茲據陳君處交來諸山所捐冊目一則茲特照登

如左俾昭徵信焉
陳金鏡捐銀五十元 陳明君捐銀五十元 裕順豐酒烟公司捐銀六十元 顏永成捐銀五十元 吳進卿捐銀五十元
邱中波捐銀五十元 陳必達捐銀五十元 邱正忠捐銀二十元 吳一陽捐銀二十元 黃文德捐銀二十元 許山治捐銀二十元
復成號捐銀十元 陳明遠捐銀十元 胡德勝捐銀十元 上林號捐銀十元 劉選宗捐銀十元 鄭永昌捐銀十元 邱澤排捐銀十元
林德義捐銀十元 林長茂捐銀十元 吳源合捐銀十元 蔡三重捐銀十元 王有海捐銀十元 李清樹捐銀十元 謝安祥捐銀十元
陳信德捐銀十元 王滄周捐銀十元 陳昭照捐銀十元 萬山號捐銀十元 大坡合春號捐銀十元 新恒順捐銀十元 瑞春號捐銀十元
豐吉號捐銀六元 葉榮茂捐銀五元 邱事成捐銀五元 蔡貢生捐銀五元 事興號捐銀五元 義豐號捐銀五元 成隆號捐銀四元
承和興捐銀四元 隆泰號捐銀三元 萬茂號捐銀三元 協隆號捐銀三元 陳長泰捐銀三元 錦茂號捐銀三元 振安號捐銀三元
捷成號捐銀三元 怡隆號捐銀三元 協茂號捐銀三元 隆豐號捐銀三元 萬益號捐銀三元 盛德號捐銀三元 合安號捐銀三元
豐春號捐銀三元 益盛號捐銀三元 新長益捐銀三元 新義利捐銀三元 萬安和捐銀三元 成德號捐銀二元
榕城瑣語
閩中亢旱已久井水乾涸居民每因爭水互毆清潔之水每擔須錢二三拾文近日火患疊見城中無水可汲官憲慈焉
憂之在官河要隘隘累土作堵候潮水入城時開閘塞住以濟目前之急然涸涸之水無彈大用不能不望甘霖之早沛也○昔年何小宋制軍
督閩時嚴禁烟館而張啟軒觀察亦能認真整頓烟窟寔為之一空邇來城廂內外烟館林立最稱華麗者莫如南街海雲樓近有某茂才等
聯名請禁侯官縣李大令業已批准并出封條拾數道飭差標封矣○閩省徵信局已在星華館開辦綜理其事者為布都事蘇承昭藩經廳董
榮綸藩照廳沈濂藩文案范啟元委員黃延釐等聞每冊動需數拾本用活字板刊印丁費較省局內現招印字人不下數拾名俟來春各
府州縣報冊到齊當再招人通力合作○祥升班新到都人士莫不爭先快觀班中正生大淨年僅十三聲色俱佳殊屬罕見○福安縣拆毀教
堂一節現由藩憲章觀察前往查辦未知如何結局○前有李孝廉庚輝吵鬧門房被押捕署一節現經孝廉同年陳君兆暨等詣督轅具稟楊
制軍批飭兩司轉飭該府州縣嚴辦聞首府已將李放回事已了結矣

愛育善堂致祭華洋輪船焚溺難故祝文

○維光緒拾三年歲次丁亥仲冬甲寅朔越祭日丙子愛育堂紳董等謹以犧牲粢盛庶饒菓品寶帛之儀致祭於 華洋輪船難故諸男女之靈前而告之曰 嗚呼地非赤壁何來縱火之周郎人未濟河應怨焚舟之秦帥號憐旅島

殃及池魚痛玉石以無分憫步蕭其俱盡遂使茫茫苦海難離精衛之冤惡惡空被齊灘飲人之淚天胡此醉命也奚言當夫菊放東籬桃開西極島人祝嘏修陳歌舞之場海國觀風遠涉波濤之險雲集雨集舟楫雲屯相和汗漫之遊盡入無遮之會迨至烟花轉瞬林鳥知還輪啟華洋舟盈士女遙指五羊之石天際帆將臨二虎之門中流擊楫方謂兩三星火無難直抵瓜州千里江陵何異朝辭白帝詎意福為禍伏與盡悲來始駭以烟騰赤鳥爰止繼能而光燭畫鷁難飛河伯不仁曾罹憂於漢武祝融肆虐更驚惡以馮夷火熱水深同頭無岸天昏月黑援手誰人竟有去而無歸慘一生而十死鐵石猶應涕泣梓桑嗚不矜憐是以間殘骸於水濱弔旅魂於月下浪花洶湧離魂同染夫豚腥露難悲歌幸未葬於魚腹秋墳邇連新壙高低聚劫燼之飛灰長埋白骨拔火坑之餘孽任化青燐生未返夫班超死猶臨夫溫序尚己首邱同正障海能離矣茲復營奠齊齋卜晝卜夜普施佛力廣證仙緣渡苦筏於迷津人天歡喜達慈航於彼岸世界清涼駕鯉來迎解脫眾生之苦乘龍飛去逍遙四極之遊滅一切之欲火食泉歷萬劫而長生不死問善門於甘露覺幻夢於黃梁庶幾聽雲鼓之聲魂兮來格 翠葆青懷之色恨也都消永沐慈雲長沾法雨懷蘭芬之德醴要仿佛之靈旗嗚呼哀哉伏維 尚鑒

日本近事

○日廷所定保安條條原為究辦舊自由黨起見不料舉行之後內地人心惶惑轉有求庸此例者新瀉日日新聞言北浦原郡新發田町有稻垣太郡等十六人公同上書求政府消去新例以青木十三郎為總董十二日先待此書至本縣請備文書不日由同盟中幹事之人持書赴東京而呈政府云○華歷十一月十五日橫濱各幫紳董公請新任駐日大臣黎範齋星使及各隨員席設中華會館是日也賓主盡東南之美酒肴極山海之精惟以星使在座不覺手容恭而足容肅云十二月之朔星使謹將國書遞呈并帶同陳哲甫錢琴齋兩參贊西繙譯齋生分往各國欽差及日本王大臣等衙門拜會傍晚而回○奈良地方有一池名曰猿澤土人咸稱其頗著神靈日前池水忽現淡紅色掬而驗之無異胭脂著而池中魚鰾依然遊泳自如民人驚駭異常或謂係飢饉之兆或疑擾亂之兆種種附會哄動一方○去年暹羅國外務大臣來遊日本自日皇以迄各大臣無不以禮相待此次暹廷特派全權大使來日商議通商條約以踐前言謂全權大使在外務省樓上會同日官先行妥議然後將條約繕成日皇又派外務次官青木君與聞此事當全權大臣來時暹王特備白象二頭贈日皇惟另附郵便船尚未載到耳○日官聞香港多天花之患遂屢諭輪船神戶各船船有由港來者須將搭客察看然後登岸十九號東京日日新聞言昨午前十點鐘有一英國郵船由桑港掛帆開往橫濱有下等中國客三人俱患天花因令移至別船即行解纜由官吏驗明將三人送交該港石川仲村中國病院說者謂該郵船不施消毒之法遽而拋棄客實屬不遵公法云

京報選錄

○巡視西城掌雲南道監察御史臣德琬

奏為遵保拿獲賊匪游勇匪巢夥劫巨盜出力司坊各員請 旨獎勵恭摺

具陳仰祈 聖鑒事竊臣等准步軍統領衙門移稱北營參將王山寬等督飭守備王漢池千總邢安把總張成等會同司坊紳董等在京畿昌平州等處前赴境前往山東東阿等縣地方將聚聚搶劫擾害地方之游勇匪巢張落交職保元等巨盜十五名先後拿獲當經研訊供招交刑部審辦並附片奏請拿獲此案之出力員弁先行擇優保獎奉 旨依議欽此再此大拿獲之盜犯較尋常搶劫之案情形甚重因該員等破獲多名是以擬保從優請 旨飭下兵部 肅照章核減並聲明將協同獲盜之司坊紳董擬咨行各該衙門自請獎勵分給清單 呈 御覽于光緒十三年七月十一日具奏奉 上諭所有單開之參將王山寬等均着照所請獎勵餘依議該衙門知道單三件併發欽此除所屬參將王山寬等業經該衙門請獎外餘原奏將會同獲盜之司坊紳士等官銜名抄錄黏單分起併案移會到城臣等查司坊紳董等于游勇匪巢聚眾搶劫重犯均能不分畛域破獲多名實屬緝捕匪魁未便沒其微勞謹將尤為出力之司坊紳董各員查照獲盜案由繕具清單 呈 先行保獎以昭激勵應請飭部核覆施行再此摺係西城主稿會同中東南北四城保獎合併聲明伏乞 皇太后 皇上聖鑒 奏奉 旨已錄

○太子少保兩江總督一等毅伯臣曾國荃跪 奏為據情代奏恭摺仰祈 聖鑒事竊臣於光緒十三年十月初三日准兵部咨八月三十日內閣奉 上諭山東兗州鎮總兵員缺着田恩來補授等因欽此當即恭錄轉行欽遵去後茲據該總兵呈稱伏念恩來世受 國恩幼承家訓於咸豐七年投營効力轉戰蘇皖等省迭受重傷得保總兵銜兩江儘先副將 賞給果勇巴圖魯名號府保補門總兵歷奏保堪勝實缺提督總兵之任 奏補漕標中軍副將員缺督帶得勝新營並統領淮北鎮私水陸二營各在案謬領偏師未展涓埃之報自維薄植迭承 雨露之施茲復仰荷 恩綸補授是缺自 天開善伏地增歡查兗州地處岩疆總兵職司專圖恩來樸味深懼弗勝惟有呈請據情代奏叩謝天恩俯准入都 陛見俾得親聆 聖訓庶幾獲有遵循等情前來臣查該總兵蒙 恩補授兗州鎮總兵員缺自應請 旨入都 陛見以慰其就瞻 雲日之忱准查該總兵統帶得勝等營巡緝奸究訪獲私梟素稱得力現在冬防伊始又因河南鄭州決口災民紛紛南下就食難保宵小不混跡其中准揚賑務河工均屬萬分緊要撫綏彈壓在在需人而鄭州一日未報合龍惟揚向無安枕之日該總兵久在淮清威望素著情形熟悉與民相安實未便遽易生手查前有蘇松鎮總兵張榮春張振山鎮總兵曹德慶因營務緊要經臣額綬 陛見迭奉 恩旨允准在案今田恩來事同一律而現在籌備河患情形較之他務尤為重大臣與漕臣盧士杰往返函商意見相同合無仰懇 天恩俯准田恩來暫緩入都俟清淮河工賑撫辦有頭緒該總兵即行恭請 陛見以符定制是否有當出自 聖主鴻慈臣為慎重地方起見理合恭摺具陳伏乞 皇太后 皇上聖鑒訓示謹 奏奉 硃批着照所請兵部知道欽此

○留工効力前河河道總督奴才覺羅成孚跪 奏為恭摺奴才交卸督篆日期仰祈 聖鑒事竊奴才接准部咨於九月二十九日奉 上諭李鶴年着署理河河道總督成孚着留工効力以觀後効欽此奴才悚感下忱當即專摺叩謝 天恩在案新任河臣李鶴年已抵豫省奴才即於十月二十五日委員將關防 王命旗牌前文卷等件齊送李鶴年接收奴才即於是日卸事現東西壩基均已將次完竣頭二兩批部餉已於本月十四十九等日先後解到又經撫臣裁留楚餉十六萬五千兩以後各省關協餉源源解來工當可無虞缺之其餘一切堵築事宜俱經辦有頭緒餉料一項送經會同撫臣多方設法變通籌辦報總期無誤工需而恤民隱一俟物料稍集即可起期興工奴才惟有遵 旨隨同河臣撫臣往來兩壩彈竭血忱認真辦理以期迅速合龍力圖稱斷不敢以業經卸任稍形懈弛所有交卸督篆以及遵 旨留工効力緣由理合恭摺具陳伏乞 皇太后 皇上聖鑒 奏奉 硃批知道了欽此

工部局啟

○啟者茲本局定議於西三月一號即華本月十九日起即收取西上半年稅務所有應繳上半年之稅歸本局所收者可親至本局賬房交納每日由禮拜一至禮拜五日上午拾點鐘起至下午三點鐘止每禮拜六則拾點鐘起至拾二點鐘止均可到交至於各店戶人等有自製水喉引入屋內者則按季納稅今可先還三個月此外如須領取各種憑照亦可照以上期內到局領取茲特通知各宜凜遵無致自干咎戾也 大英一千八百八十八年二月二十九號 工部局司理人員里宜不刺兀禮付謹啟

英華書館告白

○敬啟者本書館開設在王家山脚專教習中英文字延請名師主教無論中西子弟皆可入塾修脯相宜茲擇於本月二十三號禮拜一為啟館之期倘 諸君有志使其子弟就塾讀書者祈即惠臨相商可也 大英一千八百八十八年二月二十五號 英華書院西師納流亞付阿路威謹啟

馬車平沽

○啟者茲本馬車房有上等精裝馬車一輛可以乘坐四人茲以廉價出沽僅收回工料銀四百五十元最屬相宜 諸君有合意者請至小東陵本號看閱便妥特此佈聞 大英一千八百八十八年三月廿三號 南末馬車房謹啟

聲明告白

○啟者義豐號林雨水公司生理做號所得股份已於本年拾一月初五日截結即日抽出從此義豐號林雨水公司生理盈虧得失及一切惟向經手是問均與敝無涉為此聲明免滋後論此佈 大清光緒十三年丁亥十二月二十日 豐源號謹啟

RIGAND'S KANAGA WATER.

列頭干那芽花露水 (此水係以干那芽花所製其花出自日本國中香冠凡卉乃列頭君在日本探得載回法京製成此水以故其香甚清而其用亦甚善如皮膚有皺裂等病抹此香水固能愈痊尤可辟蚊口之毒若以香水和水盥洗固能令人肌膚嫩滑色光潤且瘡癤不生本藥房製成此種花露水銷流已久遐邇傳揚不料近有德商仿照本藥房所造此水以圖射利其質氣味遠遜過隔霄壤 諸君有購買此水者請看以下所列第一款之西字標頭本藥房所用製載此水之樽係有浮凸三樣如下所列第二款之西字註明列頭公司字樣如標各均有親書號據始為真貨否則係為混冒尚祈慎購至於各式人等有假冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈

4430.

MORRHUOL.

模好呂辟毒葆元藥丸 此丸端治虛損吐血花柳傳毒咳嗽哮喘目痛重舌等症其效如神且不惟解毒並能調和營衛葆養精神現用法英美各國醫士所用花柳取毒之藥均用此丸無不藥到病除立見春回若服此丸須仿照服魚肝油之法要緩緩吞下必於用飯時吞服一二粒切勿誤為急吞以背服法此丸係以樽裝每樽計一百粒現託新嘉坡藥房麥加君處代售此佈

大英十一月八號

SANTAL MIDY.

DR. MIDY'S SANDAL OIL CAPSULES.

檀香油藥粒 此藥係製成油質以薄皮一重裹作粒形以便易吞而其藥力能治花柳淫毒白濁白帶癰閉一刃等症如症雖香痛服之立止而服藥後約歷二三日即見功效但所患過重者須每日吞服六次每次吞服二粒至痊愈後宜再服十日庶得消除後患永絕根株惟服此藥時宜戒色慾氣怒節勞動等事幸勿自誤致誤藥力之不神也現此藥託交新嘉坡藥房麥加君處代售此佈

FRUIT JULIEN.

浮律如里馬藥糖 此藥糖係採鮮果之汁加以藥料和製成塊略如糖粒氣味甘佳而其功效較於藥油為日無論男女老幼均能服食且其味有如糖果最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚皺癢等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡大藥房麥加君處寄售此佈



實得力保險有限公司告白 敬啟者本公司開設以來與諸君受洋面保險及火燭保險等計洋面保險共集老本銀三百萬元現已收銀六十萬元盈餘積項二十萬元所有洋面往來船貨等物均能代保平安 其火燭保險計集老本銀二百萬元現收銀四十萬元所有洋行店戶住屋棧房等均能代保年終核算之時更商花紅分與買保 諸君所得且保價甚屬相宜誠於買保之人有益至本公司章程之佳辦理之善實與他家不同倘 諸君有惠顧者請即移玉惠臨相商便妥特此佈聞

大英一千八百八十八年正月二十五號 實得力公司總理人可洛不加謹啟

上等呂宋烟出售 敬啟者本行由小呂宋督辦上庄選葉呂宋烟發售其貨均屬上等並無低貨摻雜且價甚相宜其中每箱有十五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨諸尊賜顧請至土庫花園邊笑爾堅洋行之後面與密加釐士打索路店隔鄰本行相酌是荷

大英一千八百八十七年十二月七號 義士連洋行謹啟

西國醫士佛羅斯配製治病滋補氣血藥水能治肝癰肺癰胃弱飲食停滯心悸多驚四肢酸軟身體虛弱酒色過度等症經馳名於世二十餘

佛羅斯藥水

年天下各國講究講養者多經購用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯調服須食一樽之譜方得見効如蒙 光顧請到中國各口岸西人藥房採買其在本坡則各藥房均有發售 欲多買者則請至然里直洋行對門之新嘉坡藥房即勞末申藥房內麥加君處選購大樽每樽分作一百二十八服 銀一元半樽每樽分作

六十四服價銀一元 佈

大英一千八百八十八年正月十八號

美國紐約佛羅斯公司謹啟

工部局啟 敬啟者茲將于大英一千八百八十七年所立第九條第二條內第一百零一節本坡國家所立定之牲畜稅章程嚴行通報俾眾周知茲將其章程條列明于下以供眾覽 其一所有車及各畜并狗等一切應繳稅餉者無論其畜係本身買受抑為他人寄養等於每半年之第一日不論其畜係在何人之處即歸其人繳償稅餉 其二所有一切人等如有馬及車及各畜等無論如何承受亦須繳稅而承受之後三十日內即須向本局稟明報繳有不遵者即罰銀廿五元 又一百零五款云工部局應設空白單式發交畜馬及馬車之人以便填寫呈報如果諸人未接到工部局之單式抑或該局遺失而所有畜馬及馬車之人不得藉詞推諉冀圖倖免 以上各節乃現行之新律茲特為之列出有牧畜者其自慎焉此佈

大英一千八百八十八年正月十一日

工部局總理人里兒不刺士兀禮付謹啟

